

吳

詩

集

覽

吳詩集覽卷十六上

黎城靳榮藩介人輯

五言排律上

集中排律皆作于本朝定鼎以後自晚眺至長平輓詩爲赴召以前作

途中遇雪爲赴

召時作贈吳園次

西隱寺松爲南歸以後作編年甚明

晚眺

見寒山晚眺

萬壑亂烟霜浮圖別渺茫江山連楚蜀鐘磬怨齊梁  
原廟寒泉裏園陵秋草傍雁低連雨色鷺遠入湖光  
戲馬長千里歸人石子岡舟車走聲利衣食負畊桑  
欲問淮南信砧聲繞夕陽

製題命意與王無功野望相似而詩格亦畧近之江山連楚蜀幅員漸

監鐘磬怨齊梁偏安已失矣寒泉秋草卽彼黍離離之意  
雁鷺依然人馬如舊而舟車衣食已另見太平景象  
也由崧走黃得功軍淮南尚可問平徒聞砧聲聒耳而  
已句句切定晚眺溫柔敦厚詩教也○萬經見禮蒼  
公塔烟霜見東萊行浮圖見贈蒼雪渺茫見送黃子  
羽其三杜詩江山有巴蜀棟宇自齊梁鐘磬見贈願  
雲師原廟見鍾山詩爰有寒泉園陵見銀泉山秋  
草見行路難庾詩沙迴雁飛低雨色見苦雨湖光  
見宿福源精舍晉書劉邁傳桓靈寶曾於殷仲堪廳  
事前戲馬以稍擬仲堪長千里見贈李雲田歸人見  
發破山寺石子岡見鍾山走聲利見送何省齋 畔  
桑見遇南廂園叟大清一統志江南太平府表 晉  
淮南郡梁簡文帝詩城  
外搗砧聲夕陽見鍾山

此詩大意與鍾山一首可以參看前半篇卽王氣消  
沉石子岡等六句意後半篇卽聖公沒後無杯土姑  
孰江聲空夕陽之意梅村曾  
爲勝國臣子立言忠厚乃爾

送吳門李仲木出守寧羌

吳門見遇劉雪舫張受先太倉州志李楷字仲

木長洲學崇禎壬午舉人蘇州府志李楷蓉山

歷官工部員外顏延年詩一麾乃出守一統志

寧羌州在漢中府

西南二百八十里

君到南山去

一作山南去

興元驛路長孤城當沮口舊俗問

華陽稻近礮溪種魚從丙穴嘗殘兵白馬戍廢塢赤亭

羌鐵鎖穿天上金牛立道傍隗囂宮尚在諸葛壘應荒

往事英雄恨新愁旅客裝七盤遮駱谷十口隔秦倉黑

水分榆柳青泥老鸛鷀

應作驢驢

不堪巴女曲尚賽武都王

此首多用漢羌地理與送志衍入蜀相似起二句點完題面驛路長引起下文前十句皆驛路之所經後十

句驛路之所感曰尚在曰應荒曰恨曰愁曰遮曰隔蓋  
其時蜀氛猶未靖歟○漢書東方朔傳南山天下之阻  
也一統志終南山在西安府南五十里西自散關東盡  
藍田東西八百里又漢中府唐興元元年爲興元府  
元爲興元路驛路見閬州行又沮水在漢中府沔  
縣西而東南流曰沮口詩大序達于事變而懷其舊  
俗者也唐藝文志張周封華陽風俗錄一卷一統志華  
陽山在漢中府洋縣北一百四十里舊置華陽縣以此  
又華陽水在褒城縣西北十五里源出牛頭山南流入  
漢水又華陽廢縣在沔縣東又磻溪水在鳳翔府寶  
雞縣東南南隅有石室蓋太公所居也北流至岐山  
縣界入渭蜀都賦嘉魚出于丙穴注丙穴在漢中沔  
陽縣北有魚穴二所嘗以三月取之一統志大丙山在  
漢中府略陽縣東南北有穴方圓二丈常建詩殘兵  
哭遼水一統志白馬城在沔縣西北即漢陽平關也  
又赤亭在隴西縣西又赤亭山在隴西縣北二十里上  
有堡甚險杜詩鐵鎖高垂不可攀金牛見閬州行  
杜詩勝迹隗囂宮方輿勝覽秦州雕窠谷舊有隗囂

避暑宮

〔一統志〕

諸葛城在沔縣西亦名武侯壘

〔陸

務觀詩〕

江流不盡英雄恨

〔杜必簡詩〕

旅客三秋至

〔陸

何景明雍大記〕

七盤嶺在褒城縣北一十三里盤回七

轉而至山頂

〔一統志〕

駱谷在西安府盩厔縣西南宋白

續通典自長安取駱谷路至興元府六百五十二里

十口見壽李太虛〔一統志〕陳倉故城在鳳翔府寶雞縣

東元和志寶雞東北至鳳翔府九十里本秦陳倉縣秦

文公所築因山以爲名劉希夷詩鬼神清漢廟鳥雀參

秦倉

黑水見送吳贊皇榆柳見磬清湖序

元和郡

國志青泥嶺在興州長舉縣西北懸崖萬仞上多雲雨

行者屢逢泥淖〔一統志〕畧陽縣西魏曰興州大業二年

日順政郡唐武德初復爲興州明成化二十二年以略

陽縣屬寧羌州

本朝仍屬漢中府〔說文〕鵠鵠西方神

鳥一作鵠

李有巴女詞

賽見過鄭州〔蜀記〕武都山

精化爲女子

蜀王納爲妃

〔篋衍集〕

第一句作君到山南去十八句作青泥老驕

驍張如哉曰唐地理志山南西道採訪使治梁州爲

〔篋衍集〕

上

三

興元府漢中郡首句依篋衍集為是左傳定三年唐  
成公如楚有兩肅爽馬杜詩仍殘老驢驢肅爽與驢  
驢同見郭璞賦亦  
依篋衍集為是

梅花庵同林若撫話雨聯句 嘉興府志梅花庵在嘉善縣治東有石刻

梅道人竹八幅按梅村園內有梅花菴見鎮洋  
縣志此詩若撫百唱點明名園中問園閣迎寒  
葺茅亭帶雨苦即梅村自指而北郭予偕隱東  
山爾共瞻詞意顯然蓋若撫過梅村而話雨乃  
梅村之梅花庵不指嘉興也 明詩綜林雲鳳  
字若撫長洲人 靜志居詩話若撫當鍾譚談張  
之日守正不回詩篇繁富惜知者寥寥因阮終  
老相如遺草已不可問矣 話雨見寒夜話雨  
仇滄柱曰西漢柏梁詩即聯句之始六朝人  
效之遂人各兩句張如哉曰齊之謝元暉梁之  
范彥龍聯句  
皆人各四句

放策名園勝停驂客思淹鳳雲初涼欣颯爽入夜苦霏霏

偉業有待聞乾鵲無因見皎蟾鳳蒲荒迷鷺影花落冷魚

唼鳥語枝頭咽蟲鳴葉底潛清齋幽事足良會逸情兼

業十句是梅花庵雨引到話字上○謝靈運詩停策倚茂松杜詩名園依綠水停驂見琴河感舊序謝元

暉詩客思渺難裁南史褚彥回傳初秋涼夕風月甚美颯爽見北風杜詩隨風潛入夜說文霰久雨也集

韻細雨謂之霰杜詩江山如有待論衡往往知往乾鵲知來西京雜記陸賈云乾鵲噪而行人至鄒陽上

梁王書無因而至前也廣韻蟾光月彩也杜詩蒲荒八月天元裕之詩鷺影兼秋靜淮南子天將雨也陰

暄未集而魚已噉矣註魚短氣出口于水喘息之喻也支道林詩月令肇清齋幽事見溪橋夜話古詩今

日良宴會後漢書逸民傳貧士藏書富高人取友嚴費

贊遠性風疎逸情雲上貧士藏書富高人取友嚴費



騰長自卧剝啄遣童覘北郭余偕隱東山爾共瞻鳳此就

現在情景話起○晉書劉寶傳貧士未嘗得此藏書見

歸雲洞高人見簡姜明府韓致光詩自拋懷抱醉

曹騰高逵夫詩豈有白衣來剝啄蔡君謨詩饒餉兒

童覘後漢書方術傳廖扶身憚為吏時因號為北郭

先生左傳僖二十四年與女偕隱生來門是德住處

世說謝公在東山朝命屢降而不動

水名廉業觸地詞源湧推鋒筆陣銛萬言成寸晷一字

直三縑雜佩紉蘭蒨名材貢杞桮三千登甲第四十到

宮詹鳳此段話梅村之世德才名登上第居臚仕也

梁州惟有文川武鄉廉泉讓水臣所居廉讓之間漢

書律歷志物觸地而出杜詩詞源倒流三峽水更記

秦本紀推鋒爭苑以報食馬之德漢書吳王濞傳此年

少推鋒可耳筆陣見觀通天帖西京賦胸突銛鋒季

與韓荆州書請曰試萬言倚馬可待陸士衡詩寸陰無  
停晷唐書皇甫湜傳裴度修福先寺將立碑湜援筆  
立就度贈以車馬繒綵甚厚湜曰碑字三千字三練何  
遇我薄耶詩雜佩以贈之楚辭初秋蘭以為佩又雜  
申椒與菌桂兮豈惟紉夫蕙茝杜詩論材愧杞梓  
夏子喬詩縱橫禮樂三千字唐書選舉志進士試策五  
道帖一大經全通為甲第程迓亭婁東耆舊傳一出而  
中辛未會試第一廷試第二明史職官志詹事府詹  
事一人少詹事二人庶子論德中允贊善各奉其職以  
從婁東耆舊傳公在崇禎中已歷中允論德晉庶子京  
師破時在籍福仙樂清商奏天厨法酒霑使車游宛雒  
王召拜少詹事

樓艦出沱潛職亞成均掌官同秘院僉含毫芸閣草插

架石渠籤

業

此段話梅村之出膺使命歷官司業也

天厨見二十五日詩史記叔孫通傳復置法酒諸侍坐  
殿上皆伏抑首後漢書輿服志有大使車小使車宛

維見贈李義居 樓艦見高郵道中爾雅釋水水自江

出爲沱漢爲潛說文潛水出巴郡宕渠西南入江按此

二句指梅村封藩河南典試湖廣之事 周禮春官大

司樂掌成均之禮以治建國之學政而合國之子弟焉

宋史職官志就崇文院建秘閣 陸士衡文賦或含

毫而邈然盧昇之詩寂寂芸香閣 韓詩抽架三萬軸

石渠見題 翰染丹青障碁分黑白奩望崇敦雅素氣直

凌烟圖

折王儉鳳道已銘鐘鼎交仍隔釜鬻雲霄三省相虎豹

九關閹業 此段話梅村之丰裁凜然而與時宰不合

也九關閹兼及宦者之禍○潘安仁秋興賦序

染翰操紙丹青見西田詩 韓詩圖碁圖黑白王介甫

詩戰罷兩奩收黑白 釋皎然詩雅素脩三墳 杜詩

直氣橫乾坤書何憂平巧言令色孔王又爾無昵于儉

人按二句指梅村申理黃石齋劾張至發之事 舊唐

書長孫無忌傳既勒銘于鐘鼎又圖形于丹青 詩誰

能烹魚溉之釜鬻 阮詩寄顏雲霄間唐書百官志唐

因隋制以三省之長中書令侍中尚書令共議國政此  
宰相職也楚辭虎豹九閭啄害下人些漢書叙傳闔

尹之咎註謂害物磨牙慘持拳炙手炎游夫空掉闔武  
官人爲閹者

士浪韜鈴鳳海寓洪鑪熖民生鼎沸燁天心何叵測宸

極竟危阤業夏社松陰改周原麥秀漸詩書遭黨錮冠

蓋受髡鉗鳳此承上文三省九閹而言見明季國事  
紛拏北都已覆而黨禍未息也○北史突厥

傳切齒磨牙常伺其便北齊書神武帝紀猶欲奮空  
拳而爭炙手見茸城行管子三器成游夫具而天下

無聚衆鬼谷子有掉闔篇荀子魏之技擊不足以當  
趙之武士張道濟詩韜鈴用老臣海寓見送何省齋

三國志陳琳傳無異干鼓洪鑪以燎毛髮漢書霍光

傳羣下鼎沸後漢書劉陶傳此猶養魚沸鼎之中易  
復其見天地之心乎宋史洪咨夔傳事變叵測霄箱雜  
記古語有二聲合爲一字者如不可爲叵而已爲耳蓋

起于西域二合之音宋書謝晦傳宸極危逼謝元暉

詩陷危賴宗袞張孟陽詩惟觀松柏陰詩周原膺

膺史記微子世家箕子朝周過故殷虛感宮室毀壞生

禾黍箕子傷之乃作麥秀之詩以歌詠之其詩曰麥秀

漸漸兮後漢書有黨錮傳冠蓋見送何省暴骨嚴

齋王鍵刑書釋名髡鉗去犯人髮以鐵束項也

城陷燒屯甲士殲子民餘燹焚尺土剩滇黔業越俗更

裳佩秦風失帽幘短衣還戍削長帶孰蜚襪絕迹遘朝

市全身混里閭鳳此段話南都監國而梅村登朝一

月卽歸也○左傳襄二十六年三軍暴

骨巖城見石公山正韻勒兵而守曰屯後漢書趙彥

傳燔燒屯塢甲士見燹燹盆歌隋書梁睿傳梁南

寧州刺史徐文盛被湘東徵赴荊州士民燹瓚遂竊據

一方唐書南蠻傳兩爨蠻自曲州靖州西南昆川曲軌

晉寧喻獻安寧距龍和城通謂之西爨白蠻自彌鹿升

麻二州南至步頭謂之東爨烏蠻一統志南寧故城在

曲靖府南寧縣西十五里集韻熨音匐一統志熨道故城今叙州宜賓縣治鄒爾瞻詩數載真點俱浪迹

莊于宋人資章甫而適諸越越人斷髮文身無所用之

李長吉詩秦風帽帶垂蘇詩帝城春日帽簷斜更

記叔孫通傳服短衣楚製司馬長卿子虛賦揚袖戍削

蜚襪垂髻張揖曰戍削裁製也李善曰戍音卹司馬彪

曰襪袪飾也李善曰蜚古飛字李義山詩德水縈長帶

後漢書杜根傳周旋民間非絕迹之處北史盧思道

傳籠絳朝市且三十孖舟浮礪曲扶杖度山崦茵閣迎

載說文閭里中門

寒葺茅亭帶雨苦業冥鴻思避弋老馬脫銜籍朋舊從

頭數篇章信口占鳳此承全身混里閭而暢言之兼

舟正字通礪與澗通扶杖見送何省齋杜有東屯北

崦詩仇註北崦東屯之北山崦也茵閣見壽孫子長

常建詩茅亭宿花影冥鴻句見白燕吟序詩老

馬反爲駒韓詩暫似老馬脫重銜又口角如銜籍段

詩

承根詩聞諸交舊

口占見王郎曲跋

境奇窮想入才退苦言砭大歷場

誰擅元和體獨纖聆音嗟下里覩貌嘆無鹽好句奚囊

貯清談麈尾拈飛觴邀阮籍監義問劉惔

業此承篇章信口占而

暢言之即所謂清齋幽事良會逸情也

○史記李將軍

傳以為李廣老數奇

字典數奇不偶也庚詩

絕想寂寥

前

才退見行路難

史記商君傳苦言藥也

唐書盧

綸傳綸與吉中孚韓翃

綸起司空曙苗發崔峒

耿漳夏

侯審李端號大歷十才子

擅場見雞山

唐國史補元

和以後為文筆則學奇詭

於韓愈學苦澁於樊宗師歌

行則學流蕩於張籍詩章則學矯激於孟郊學淺切於

白居易學滛靡於元稹

俱名為元和體

陸士龍詩聆

音心悲宋玉答問

客有歌於郢中者其始曰下里巴人

劉子政列女傳鍾離春者齊無鹽邑之女齊宣王之

正后也極醜無雙

奚囊見香海問詩注

清談見哭

志衍塵尾見後東臯歌

飛觴見茸城行晉書阮籍傳

飛觴見茸城行晉書阮籍傳

魏晉之際天下多故名士少有全者籍由是不與世事  
酣飲爲常 豎義見代具師答晉書劉惔傳惔雅善言  
理時孫盛作易象論簡文帝使殷浩難之不能屈乃命  
迎惔至便與抗答盛理遂屈一座撫掌按今韻惔在十  
三情洽蠲苛禮形忘畧小嫌詠諧文乞巧憔悴賦驅疴  
覃

書擬中郎秘香憑小史添拳蘭將滿握采菊不盈襜鳳

此段足上段之意而旁通言之○孟詩壺酒朋情洽漢

書酈食其傳皆握齬好荷禮師古曰荷與苛同苛細也

史記韓長孺傳太后以小節苛禮責望梁王唐書孟

郊傳韓愈一見爲忘形交又尉遲敬德傳丈夫以氣相

許小嫌不足置胸中詠諧見讚佛詩柳子厚有乞巧

文唐詩紀事有病瘡者子美曰吾詩可以療之夜關

更秉燭相對如夢寐其人誦之未愈曰更誦吾詩子璋

髑髏血模糊手提擲還崔大夫誦之果愈張如哉曰按

瘡玉篇瘡也見左傳昭十二年齊侯疥遂瘡潘皆山曰

孫可之有逐瘡鬼文與韓之送窮柳之乞巧相類中



郎見又詠古秘書見壽龔芝麓注北史徐之才傳又

以小史好嚼筆楚辭朝搴阰之木蘭兮虞伯生詩紉

蘭不盈握陶詩采菊東籬紙帳蛛絲罥音紗屏蝶粉

下詩終朝采藍不盈一襜黏試茶追陸羽退筆弔蒙恬玩物高居澹安心老境甜

食羹調芍藥釀法製蓆黃擘團臍蟹霜批巨口鮎香

流金杏酢音脆八玉梅腌送酒橫波艷調筆素手摻新

聲歌緩緩沉飲醉厭厭業此段雜舉幽事再足上段

縮松詩締戶白日橫蛛絲李義山詩晉樹斷絲悲舞席

玉篇罥挂也溫飛卿詩生綠畫羅屏李義山詩稍稍

落蝶粉陸羽見二十五日詩注蘇詩忍凍孤吟筆

退尖中華古今注自古有晉契以來便應有筆世稱蒙

恬作秦筆耳陸士龍詩幽居玩物顧景自願說苑蟬

高居悲鳴飲露范致能詩癡絕已甘投老境調羹

見芍藥

張復之有進猗蘇九表本草綱目蜀人單服

猗蘇法五月五日六月六日九月九日采藥去根莖花

實淨洗暴乾入甌中層層酒酒與蜜蒸之又暴如此九

遍則氣味極香美熬搗篩末蜜丸服之子瞻咏蟹詩

半殼舍黃宜點酒陸務觀詩團臍磊落吳江蟹縮項輪

困漢水鰓廣雅蟹雄曰蝦蟇雌曰博帶注團臍者北尖

者牡左傳莊二十二年批而殺之說文批手擊也後

赤壁賦巨口細鱗本草圖經鰓背青而口小者名鮎

西陽雜俎濟南郡之東南有分流山山上多杏大如梨

黃如橘土人謂之漢帝杏亦曰金杏玉篇酢酸也杜

詩脆添生菜美蘇詩暗香先返玉梅魂說文腌漬肉也

子山春賦文君送酒來橫波見王郎曲注蕭希逸

詩調箏更撮絃古詩摻摻出素手新聲見楚雨生行

序歌緩緩見王郎曲顏延年五君詠韜精日沉飲詩

厭厭梅老看圍屋花開待放簷道人君勿愧處士我何

夜飲

謙鳳

綠印苔間屐青飄柳外帘池流綠岸折峰勢出墻

尖業興劇神偏王狂來語類謔徘徊吟數過撚斷幾枯

緝鳳梅老四句點染梅花庵與北郭偕隱一段相應

雲沉梅屋古杜詩巡簷索其梅花笑張如哉曰道

人指梅道人處土指林和靖是點染梅花字也拾遺

記采綠苔而被堦方萬里詩躡石苔粘屐丹鉛錄韓

非子宋人有酤酒者懸幟甚高幟謂之帘帘謂之酒旗

謝靈運山居賦綠岸測深唐太宗詩峯勢接雲危

杜詩新梢纔出牆獨孤至之詩主人奏絲桐能使高

興劇神王見汲古閣歌本草綱目序例心病謔

妄煩亂盧延讓詩吟成幾個字然斷數莖鬚

聯句詩韓集最多或謂退之潤色東野近則

朱錫鬯喜爲之梅村此首或亦潤色若撫耶

海螵蘇州府志海螵出海中土人熟

而市之鹽洋縣志海螵出劉河

不肯依牆壁其如羅網偏文身疑蜎篆長鬚學螺旋跼

足蟠根固容頭掩的圓但能防尾擊誰敢陷中堅氣及

先聲取髀存裏肉捐空虛寧棄擲辛苦是連蜷

此篇極體物之

妙起結更有餘妍

顧瞻泰旦起六句畫出海蜺再六

句寬而能切妙以意勝不同皮相處世二句寄托遙深

白鹽二句是海蜺用法八句四句形容工細言外有戒

貪饕意結四句比擬咏嘆收到作詩又曰海蜺形較

螺畧長細身藏殼中頭有硬頂所謂跼足蟠根固容頭

掩的圓也食必用錢孔剪去殼尾然後以口吸取其肉

可應聲而出故云防尾擊怨刀錢氣及先聲取也煮熟

和以鹽經日晒鹽凝殼如霜故云白鹽看雨後最宜佐

飲燒春故云紅釀向花邊也題本無典故而比賦兼用

搜剔盡致幾于筆叅造化○後漢書王充傳戶牖牆壁

各置刀筆杜詩君今在羅網文身見前首越俗注

集韻蜺本作科見二十五日詩注古今注童子結髮

為螺髻言其形似螺殼後漢書西羌傳公卿選儒容頭

蟠根見清風使節圖

過身靚粧錄華的一作圓的按詩意當如易說卦其于馬也爲的頸之類  
孫子率然者常山之蛇也擊其首則尾至擊其尾則首至  
後漢書光武紀與敢死者三千人衝中堅  
史記惟陰侯傳兵固在先聲而後實者  
髀肉見東萊行棄擲見後東臯歌  
辛苦見遇劉雪舫連蜷見二十五口詩  
處世遭多口

浮生悞一鮮白鹽看雨後紅釀向花邊八穴鉤難致呼

門慘不前廻腸縈鎖甲髓脚怨刀錢海栗蝸廬滿蟲書

蜃市懸知君爾雅熟爲譯小言篇史記平原君傳夫

生見二十五日詩按悞一鮮爲鮮誤也卽膏以明自煎之意  
南史周顒傳赤米白盛  
易入于穴  
呼門見

塗松晚發  
漢書司馬遷傳是以賜一日而九廻  
馬虞臣詩寒光鎖甲明  
史記鄒陽傳司馬喜髓脚於宋集

韻髓同髓  
史記索隱刀者錢也以其形如刀  
按海栗疑卽本草綱目之蝦米本草又有海蝦長一尺鬚可爲

簪魏略楊沛家無餘積起瓜牛廬居止其中裴松之注  
瓜當作蝸蝸螺蟲之有角者也按蝸牛廬出北齊書蔡  
傳漢書藝文志注蟲書爲蟲鳥之形所以書帙信  
也廬市見送許堯文晉書蔡謨傳謨初渡江見彭蜺  
大喜曰蟹有八足加以二螯令烹之既食吐下委頓方  
知非蟹後詰謝尚而說之尚曰卿讀爾雅不熟幾爲勸  
學死莊子  
小言詹詹

麥蠶

鎮洋縣志麥蠶炒青  
麥去稃揉如蠶形

月令初嘗麥幽風小索綯繭絲供歲早芒刺用心勞舊  
穀憂蛾賊先農攝馬曹三眠收滯穗五色薦溪毛簇箔  
同邱坻繰車借桔槔筐分南陌採縷細北官繰奉種鵝  
鳴降輸魁蟹績高仙翁蜂化飯醉土蟻舖糟桑蠋僵應

化水蛆臥未逃婦驚將絡緯客咽半蟬蟠纖手揉乾構

春綿滑冷潤非關蟲食稼恰並鳥含桃

麥蠶一物也將麥蠶字分含組

織變化離奇極筆墨之能事惟似難於分段耳○禮月令孟夏之月天子乃以彘嘗麥

詩幽風宵爾索綯疏取茅草作索綯以待明年蠶用也

張如哉曰按學記宵雅肄三註宵小通

蘭絲見蘭虎芒刺見送何省齋注酉陽雜俎蟹八月腹中有芒真稻芒也長寸許向東

輸與海神未輸不可食唐書陽城傳撫字心勞

見蟋蟀盆歌注唐書禮樂志孟春吉亥享先農

書王徽之傳爲桓冲騎兵叅軍冲問卿署何曹曰似是

馬曹蜀圖經高辛氏時有蠶女不知姓氏父爲人所掠

惟所乘馬在女念父不食其母誓於衆曰有得父還者

以此女嫁之馬聞其言警躍振迅絕其絢絆而去數日

父乃乘馬而歸母以誓衆之言告之父曰誓於人而不

誓于馬安有人而偶非類乎馬跑父怒欲殺之馬愈跑

父射殺之曝皮于庭蹶然而起捲女飛去旬自皮復棲

于桑上女化為蠶食桑葉吐絲成繭以衣被於人間一  
日蠶女乘雲駕此馬侍衛數十人謂父母曰太上以我  
心不忘義授以九宮仙嬪矣無復憶念也今塚在什邡  
綿竹德陽三縣界每歲祈蠶者四方雲集蜀之風俗官  
觀皆塑女像披馬皮謂之馬頭娘以祈蠶焉蠶書生  
明日或桑或柘葉晝夜五食不食一日一夜謂之初眠  
又七日眠如初又七日三眠又七日謂之大眠詩此有  
滯穗左傳隱三年澗溪沼沚之毛可薦于鬼神韓  
聯句詩春蠶看滿箔詩曾孫之庾如坻如京張如哉曰  
如坻坻字音婢平聲此當如集韻典禮切坂也玉篇  
繰同繰蘇詩左旋右轉隨繰車桔槔見詩女  
執懿筐梁武帝河中之水歌十四採桑南陌頭徐孝  
穆塵尾銘綿綿細縷周禮天宮內宰注北宮后之六官  
禮記及良日夫人繰三盆手遂布于三宮夫人世婦之  
吉者使繰又下三宮之夫人世婦之吉者使入蠶於  
蠶室奉種浴於川詩有鳴倉庚西陽雜俎蠶執穗以  
朝魁按輪魁即用輪芒事檀弓蠶則績而蠶有匡集說  
絲之績者必由乎匡之所盛然蠶之有匡非為蠶之績



也。葛仙翁別傳：仙翁與客對食，客請作一奇戲。仙翁卽吐口中飯，盡成飛蜂，滿屋或集，客身莫不震肅。但不螫人耳。良久，仙翁乃張口，蜂皆飛入口中，成飯食之。張平子南都賦：醪敷徑寸，浮蟻若萍。楚辭：衆人皆醉，何不餽其糟而歆其醕。詩：蜎蜎者蠋，烝在桑野。莊子：奔蜂不能化藿蠋。注：蠋，豆藿中大青蟲也。草木子：雪蠶生陰山，以北及蛾眉山，北人謂之雪蛆。二山積雪，歷世不消，其中生此大如瓠，味極甘美。古諺：促織鳴，懶婦驚舌。今注：莎雞一名促織，一名絡緯。草木蟲魚疏：蟪蛄生糞中。爾雅曰：墳，蟪蛄也。蟪蛄，蟪蛄也。織手見茉莉後漢書百官志：導官令一人。注：王春御米及作乾糲，導擇也。東廣徵餅賦：弱如春綿，冷淘見友人齋說餅。西陽雜俎書有百體中有蟲食葉書。月令：仲夏之月，羞以含桃。先薦寢廟。史記叔孫通傳注：鸛鳥所舍，故曰含桃。今之朱櫻是也。

皮陸松陵每押強韻然予山已開此體如圍庭一首云杖鄉從物外養學事閑郊窮愁方汗簡無過始觀

交谷寒已吹律簷空更剪茆樵隱恒同路人禽或對  
巢水蒲蒲開晚結風竹解寒苞古槐時變火枯楓乍落  
膠倒屣迎懸榻停琴聽解嘲香螺酌美酒枯蚌藉蘭  
殺飛魚時觸釣翳雉屢懸庖但使相知厚當能來結  
交卽謂五言排律始於子山可也梅  
村此首足以嗣子山而抗皮陸矣

思陵長公主輓詩

思陵見宮扇長公主見蕭史青門曲

貴主徽音美前朝典命光鴻名垂遠近哀誄著興亡

四句

破題○貴主見青門曲詩太似嗣徽音前朝見王文恪墓書對揚文武之光命史記司馬相如傳前聖之所以永保鴻名而常爲稱首者用此杜詩諸葛大名垂宇宙哀誄見讚佛詩托體皇枝貴承

休聖善祥母儀惟謹肅家法在矜莊上苑穠桃李瑤池

小鳳凰鸞音青繡屣魚笏皂羅囊沉燎熏爐細流蘇寶

蓋香襖期陪夜水蘭館助條桑綠綬芹蘭佩紅螭薤葉

璋錫封需大國喚仗及迴廊

此段言公主之貴議將下嫁也○蔡伯喈為陳留縣

上孝子狀烏以反哺托體太陽宋書廬江王傳藉慶皇枝

史記封禪書承休無疆詩母氏聖善

後漢書郭皇后紀有母儀之德家法見永和官詞後漢書杜林

傳張湛矜莊

上苑見龍腹竹歌穠桃李見青門曲

瑤池見讚佛詩易林鳳有十子又鳳生五雛蒲道源詩

分明小鳳雙飛翼詩鸞聲噦噦宋史輿服志駕六青

馬馬有金面插鵲羽輦纓攀胸鈴拂青繡履錦包尾集

韻屣履中薦也或作屣按此當如字彙屣鞍屣也音替

李長吉詩公主遣秉魚須笏晉書謝幼度傳少好佩

紫羅香囊

張如哉曰沉燎沉水香也謝惠連雪賦燎

熏爐兮炳明燭

流蘇見行路難其十七梁簡文帝

菩提樹頌五百寶蓋騰光自合

袂期見畫蘭曲注

漢書元后傳春幸蘭館率皇后列侯夫人桑遵霸水而

夜除詩蠶月條桑

東觀漢記建武元年復設諸侯王

金縷緌綬釋名綠緌紫緌綠也詩芄蘭之枝童子佩觿

晉書張載傳青虬赤螭方雄飛詩薤葉平鋪合還花

按此句指印文也杜詩賜名大國號與秦明史

與服志公主儀仗與王妃同迴廊見虎邱夜集圖

冊威儀定傳烽羽檄忙司輿停鹵簿掌瑞徹珩璜婺宿

明河澹微垣太白芒至尊憂咄吒仁壽涕彷徨此段言方議降

主適逢冠變也明史禮志有冊公主儀傳烽見送

杜嵒武羽檄見雁門尚書行注唐書百官志司輿典

輿掌輿各二人五經精義車駕行羽儀雙導謂之鹵簿

明史輿服志公主車宋用厭翟車明初因之其後定制

鳳輦行障坐障如親王如周禮典瑞掌玉瑞玉器之

藏辨其名物與其用事設其服飾注人執以見曰瑞瑞

符信也詩傳維佩者珩璜琚瑀衝牙之類史記天官

書婺女其北織女織女天孫女也宋延清有明河篇孟

詩微雲淡河漢宋史天文志紫薇垣東蕃八星西蕃

七星在北斗北環列翊衛之象也漢書天文志太白經

天天下華民更王杜詩獨使至尊憂社稷咄吒見雁門尚書行隋書食貨志帝命楊素出於岐州北造仁壽宮莊子彷徨平無爲平其側明史慈烺傳崇禎十五年改慈慶宮爲端本宮慈慶懿安皇后所居也時太子年十四議明歲選婚故先爲置宮而移懿安后於仁壽殿按懿安熹宗張后也然詩意仁壽自指周后耳鄺邑年方幼瓊華齒正芳艱難愁付托顛沛懼參商文葆憐還戲勝衣泣未遑從容容傳母倥急詢貂璫此段咄吒彷徨之由○後漢書后紀皇女綬建武二十一年封鄺邑公主適新陽侯世子陰豐舊唐書代宗獨孤后傳后生華陽公主公主疾上令宗師道教名曰瓊華公士詩天步艱難付托見讀史雜感左傳昭元年子產曰辰爲商星參爲晉星子建與吳質書別有參商之濶李義山嬌兒詩文葆未周晬史記留侯世家注謀小兒被也又三王世家皇子賴天能勝衣趨拜枚叔七發內有保母外有傅父正韻倥偬事迫促也後漢書宦

者傳論皆銀瑤左貂給傳箭聞嚴鼓投籤見拊牀內人

縫使甲中旨票支糧使者填平朔將軍帶護羌寧無一

矢救足慰兩宮望

此段以兵事為急承上段倥急而言之○傳箭見遇南廂園叟漢書史丹

傳聲中嚴鼓之節

陳書世祖紀每雞人伺漏傳于殿

中乃勅送者必投籤于堦石之上令鎗然有聲云吾雖

眠亦令驚覺也晉書蔡裔傳裔拊牀一呼二盜俱殞

杜詩內人紅袖泣左傳昭二十七年王使甲坐於道及

其門羅昭諫詩使者銜中旨唐書食貨志貞觀初出

使者原其家新至官者計日給糧書平在胡易漢

書趙充國傳詔舉可護羌校尉者水經注湟水合羌水

逕護羌城東故護羌校尉治一天見長安雜詠兩

宮見遇盜賊狐篝火關山蟻潰防逍遙師逗撓奔突寇

劉雪舫披猖牙蠹看吹折梯衝舞莫當妖氛纏象闕殺氣滿陳

倉此序闖寇入京之事○史記陳涉世家間令吳廣之

淮南子千里之隄漏以螻蟴之穴應休璉詩隄潰自

追遙見避亂逗撓見臨江叅

軍北史齊朗茂傳隄防不固必致奔突離騷何桀紂

之猖披晉書陸機傳機始臨戎而牙旗折意甚惡之

後漢書公孫瓚傳袁氏之攻狀若鬼神梯衝舞吾城

上季詩一戰爭妖氛南史梁太宗論國步初屯兵纏

魏闕周禮天官太宰正月之吉乃懸治象之法于象魏

使民觀治象注象魏闕也殺氣見松山哀陳倉見送

李仲天道真蒙昧君心顧慨慷割慈全國體處變重宗

木注潢胃子除華絃家丞具急裝收須離禁闔手為換衣裳

社稷仇宜報君親語勿忘遇人耑退讓慎已舊行藏此

毀

序二王出宮之事而并及叮嚀之語○易蒙亨疏物皆

蒙昧惟願亨通曹孟德樂府慨當以慷別賦割慈

忍愛離邦去里〔史記〕天官書王良旁有八星絕漢曰

天潢〔書〕教胄子〔史記〕秦始皇紀子嬰度次得嗣冠玉

冠佩華紱〔漢書〕百官表又有家丞門大夫庶子〔三國志〕邢顒傳為平原侯植家丞急裝見送朱遂初〔漢書〕

汲黯傳出入禁闥補過拾遺

〔禮〕乃命司服具飾衣裳 國母摩笄刺宮娥掩袂傷

他年標信史同日見高皇〔上段就莊烈說此段四句就周后說〕〔史記〕趙世家趙襄

子姊為代王夫人簡子請代王使厨人操銅料擊殺代

王遂與兵平代地其姊泣而呼天摩笄自殺因名其地

為摩笄山〔明史〕周后傳都城陷帝泣語后曰大事去矣

后頓首乃撫太子二王慟哭遣之出宮帝令后自裁后

入室闔戶宮人出奏猶云皇后領旨后遂先帝崩 宮

娥見弔侯朝宗〔喬知之詩〕徒勞掩袂傷鉛粉 信史見

過姜如農〔明史〕太

祖紀謚曰高皇帝 元主甘從殉君王入未央抽刀凌

左闔申脰就于將噫血形闔地橫尸紫蘩汪絕吭甦又

左闔申脰就于將噫血形闔地橫尸紫蘩汪絕吭甦又

左闔申脰就于將噫血形闔地橫尸紫蘩汪絕吭甦又

左闔申脰就于將噫血形闔地橫尸紫蘩汪絕吭甦又



咽瞑睫倦微揚裏褥移私第霑胸進勺漿誓肌封斷骨

茹戚吮殘創死早隨諸妹生猶望二王

此段序長平被斫復甦之事妙

承上文說下○按元主如魯頌建爾元子之元廣韻元

長也按從如泰風誰從穆公之從左傳成二年宋文公

卒始用殉玉篇殉用人送死也漢書周勃傳皇帝入

未央宮北史齊文宣帝紀帝獨袖刀斬之國語句踐

伐吳入命夫人自今日以後內政無出外政無入王出

夫人送王不出屏乃闔左闔填之以土周書蕭大圜

傳申脰就羈干將見天馬山史記孝文帝紀新噍血

京師廣雅噍履也庚詩交戟映彤闈橫尸見行路難

其十顧華玉詩霜鷹騰紫籞左傳桓十五年祭仲殺雍

糾尸諸周氏之汪汪池也廣韻吭鳥喉集韻吭咽

也字典蘇死更生甦俗甦字胡笳十八拍哭無聲兮氣

將咽陸務觀詩日長倦睫惟思閉齊書褚澄傳重

祖累禱後漢書賈復傳既還私第闔門養威重明史流

賊傳長平主絕而復甦昇至今賊劉宗敏療治潘安

仁詩不覺涕霑胸左傳定四年申包胥勺飲不入口七

日謝元暉辭子隆踐撫臆論報早誓肌骨後漢書崔

實傳注言吸氣不能續斷骨也唐書孝友傳支叔才

母病癰叔才吮瘡注藥鍾仲偉詩品劉孝綽諸妹有

天人之目明史公主傳莊烈帝六女坤儀公主周皇后

生追謚長平公主城陷帝以劍揮斫之斷左臂又斫昭

仁主於昭仁殿越五日長平主復甦餘三女皆早世無

考又諸王傳定王慈炯莊烈帝第三子永王慈炤莊

烈帝第四子賊陷股肱羞魏相肺腑恨周昌賊遁仍函

京師不知所終

谷兵來豈建康六軍務面慟四海遏音喪故國新原廟

羣臣舊奉常

集作嘗非

贈主陳厭翟題湊載輶輶

集作題湊非隧

逼賢妃冢山凝望子岡銜哀存父老主祭失元良訣絕

均抔土

集作坏非

飄零各異方衣冠羸博葬風雨鵲鵲行

此段

序有明失國思陵營葬之事後四句就公主說○書股肱良哉漢書魏相字弱翁按此以譏魏藻德也明史魏藻德傳順天通州人崇禎十三年舉進士第一明年五月驟擢禮部右侍郎兼東閣大學士入閣輔政都城陷被執藻德輸萬金賊以爲少酷刑五日夜腦裂而死肺腑見青門曲漢書周昌傳周昌者沛人也按此譏周奎也奎見遇劉雪舫明史流賊傳李自成四月二十九日僭號是夕焚宮殿及九門城樓詰旦挾太子二王西走西踰故關入山西歸西安復遣賊陷漢中函谷見行路難一統志江寧府宋天禧二年升爲江寧府建康軍節度建炎三年改爲建康府明史流賊傳福王已監國南京六軍見圓圓曲後漢書耿秉傳匈奴聞秉卒舉國號哭或至梨面流血注梨卽斃字割也原廟見鍾山奉常見鍾山穀梁傳歸死者曰廟周禮春官巾車皇后之五輅厭翟勒面績總注厭翟次其羽使相迫也漢書霍光傳便房黃腸題湊各一具注以柏木黃心致累棺外故曰黃腸木頭皆內向故曰題湊輶輶見鶩鶴注左傳僖二十五年晉侯朝王請隧弗許

註闕地通路曰隧玉篇隧墓道也詩小序雞鳴思賢妃也明史周后傳世祖章皇帝定鼎謚后曰莊烈

愍皇后與帝同葬田貴妃寢園按山山陵也子山哀

江南賦石望天而逾遠山望子而逾多稽叔夜養生

論曾子銜哀七日不饑父老見韓蘄王墓書一人元

良宋史真宗紀天禧二年作元良徵賜皇太子諡絕

見雒陽行杯土見鍾山飄零見遇劉雪舫季少卿答

蘇武書異方之樂祇令人悲禮延陵季子適齊于其

反也其長子死葬于贏博之間一統志贏縣故城在泰

安府萊蕪縣西北季札子墓在萊蕪縣鵲鵲見贈文

公浩劫歸空壤浮生寄渺茫玉真圖下髮申伯勸承筐

沉浦餘堯女營邱止孟姜君臣今世代甥舅卽烝嘗

非湯沐鄉亭秩家門殿省郎淒涼脂粉磴零落結羅縠

宅枕平津巷街通少府墻書閒偕妯娒曉坐向姑嫜

此段

此

此

此

■言 本朝仍令周世顯尚主之事○浩劫見九峯歌  
浮生見二十五日詩渺茫見晚眺 唐書公主傳唐  
宗女金仙公主太極元年與玉真公主皆爲道士玉真  
公主字持盈進號上清元都大洞三景師下髮見卞玉  
京傳 詩王命召伯定申伯之宅宋子集傳宣王之舅  
申伯出封於謝而尹吉甫作詩以送之 詩承筐是將  
沅兒虎邱夜集圖注堯女見西南風 營邱見送詹司  
理詩彼美孟姜德音不忘 晉書明帝紀三恪二王世  
代之所重 詩豈伊異人兄弟甥舅又絜爾牛羊以往  
丞嘗 湯沐見雒陽行後漢書百官志承秦爵二十等  
爲徹侯功大者食縣小者食鄉亭 左傳昭三年政在  
冢門晉書職官志魏尚書郎有殿中南史王韶之傳晉  
自孝武以來以省官一人管詔詰住西省因謂之西省  
郎 脂粉磴見青門曲 王仲宣詩內人昇下絳羅箱  
平津見東萊行 後漢書百官志少府卿一人中二  
千石 廣雅兄弟之妻相呼曰妯娌 杜詩妾身未分  
明何以拜姑嫜正韻 偶語追銅雀無聊問柏梁豫游推  
姑嫜夫之父母也

插柳勝蹟是梳粧

集作裝非

菡萏鴛鴦扇茱萸鸚鵡觴大庖

南膳廠奇卉北花房暖閣葫蘆錦溫泉荳蔻湯雕薪獅

首炭甜食虎睛糖

此段追序甲申以前之事以偶語二字貫下○偶語見文長山館銅雀見

永和宮詞

亡聊出漢書賈誼傳注聊賴也拍梁見卽

事

插柳見琵琶行

孟詩江山留勝蹟日下舊聞引

張太岳集皇城北苑中有廣寒殿相傳以爲遼蕭后梳

粧樓

菡萏見遇南廂園叟

舒岫詩菊花杯泛茱萸

酒海槎餘錄鸚鵡杯卽海螺產于文昌海面詩大庖

不盈焦史草場監之南向西者曰杆子房曰北膳房曰

暖閣廠曰南膳房曰明器廠曰混堂司曰內東廠又南

曰尚膳監御馬監向東者曰北花房曰印綬監口中書

房曰蹕圓亭至太冲魏都賦珍木猗猗奇卉萋萋

程迓亭曰天啟宮詞注新樣葫蘆錦者其文作雙菡萏

藥內各出一人面唐書地理志驪山有溫泉宮荳蔻

湯見永和宮詞陳書世祖紀汗尊土鼓誠則難追畫

卵雕薪或可易革晉書羊琇傳屑炭和作獸形以溫酒  
洛下豪貴咸競效之燕史甜食房造絲窩虎眼糖松  
餅

壯麗成焦土榛蕪拱白楊麋游鳩鵲觀苔沒關雞坊  
荀灌心惆悵秦休志激昂崩城身竟殞填海願難償命

也知奚憾天乎數不臧累歎床簀語卽寔寢園傍

寔音

半體先從父遺骸始見娘黃泉母子痛白骨弟兄殤

壯麗

四句言甲申以後之事荀灌以下序長平之天歿也

卽寔以下五句卽床簀語○壯麗見登上大橋焦土見

讚佛詩

榛蕪見題高士圖白楊見送何省齋

麋游

見讀西臺記注鳩鵲觀見殿上行

苔沒見永和宮詞

東城父老傳明皇在藩邸時樂民間清明節關雞戲及

卽位治雞坊於兩宮間

晉書荀灌傳灌荀崧小女幼

有奇節崧爲襄城太守爲杜曾所圍灌時年十三率勇

士數十人突圍夜出詣石覓乞師惆悵見下相懷古

太白秦女休行西門秦氏女秀色如瓊花手揮白楊刀

清晝殺讐家激昂見送何省齋列女傳齊人杞梁妻

莒戰而死其妻乃枕屍於城下哭之七日而城崩山

海經赤帝之女娃遊于東海溺而死化為精衛常取西

山木石以填東海漢書景十三王傳臣聞悲者不可

為素歎師古注素古累字爾雅釋器簣謂之第註牀版

說文窆下棺也寢園見遇劉雪舫按半體謂左

臂斫斷也唐書西域傳聚遺骸以識道左傳隱元

年不及黃泉無相見也白骨見聞州行夙昔銅駝泣諸陵石馬荒三年修

若藻一飯奠嵩邱寒食重來路新阡宿草長溪田延黍

稼隴笛臥牛羊朽壤穿螻蟻驚沙起鵝鷄病樗眠廢社

衰葦折寒塘此段承寢園而言諸陵似長平於沒後觀

見者○蔡伯喈詩夙昔夢見之銅駝見書

龔芝麓李義山詩老憂王室泣銅駝漢書宣帝紀數

上下諸陵石馬見行路難詩參差苕菜又于以采藻



禮文王一飯亦一飯唐書陳子昂傳景山崇秀北對

嵩邱右瞻汝海祝融太昊之故墟在焉寒食見永和

宮詞杜詩幾處有新阡宿草見贈文園公韓詩隴

笛此時聽潘安仁哀永逝文襲窮泉兮朽壤穿螻蟻

見雕橋駐歌驚沙見琵琶行爾雅釋鳥鵲巢鵲郭景

純註今呼鵲鵲庚詩衰社臥寒檣李才江詩門搖

枯葦影杜詩列剎皇姑寺馱經內道場侍鬟稱練行浪

鳥影度寒塘切小像刻沈香玉座懸朱帳金支渡法航少兒添畫燭

保媼伴帷堂露濕丹楓冷星稀青鳥翔幡旌晨隱隱鈴

鐺夜將將控鶴攀龍馭驂麟謁帝聞靈妃歌縹緲神女

笑徜徉此段咏長平墓田○王簡栖頭陀寺碑遺文間

出列剎相望一統志顯應寺在順天府宛平縣

西黃村俗呼黃姑寺相傳明正統八年北征有陝西呂

尼苦諫不聽及復辟爲建寺按朱錫鬯長城堡皇姑寺

詩白注皇姑正統間尼曾入大內諫止土木之行則黃  
姑卽皇姑也張懿孫詩白馬馱經事已空內道場見  
讀佛詩按侍鬟侍妾也梅聖俞詩欲買小鬟試教之  
魏書孝文廢后馮氏傳貞謹有德操遂爲練行尼後終  
於瑤光佛寺李長吉詩沉香薰小像謝元暉詩玉  
座猶寂寞花蕊夫人宮詞歸來困頓眠紅帳金支見  
海市法航見贈蒼雪少兒見青門曲蘇詩銀缸畫燭  
照湖明按字典媼母之別稱則保媼卽保母也毅梁  
傳襄三十年婦人之義保母不在宵不下堂檀弓復幃  
堂集說幃堂堂上設帷也何仲言詩露濕寒塘草丹  
楓見橫雲山曹孟德樂府月明星稀青鳥見鴛湖閨  
詠西京雜記昭陽殿中設九金龍皆銜九子金鈴五  
色流蘇帶以綠文紫綬金銀花鐺每好風日幡旄光影  
炤耀一殿鈴鐺之聲驚動左右隱隱見琵琶行詩八鸞  
鐺鐺孫興公遊天台山賦王喬控鶴以冲天白詩天  
旋地轉迴龍馭戴表元詩驂麟驚鶴誰不能楚辭吾  
令帝聞開闔兮倚閭闔而望子漢書禮樂志註閭闔天  
門郭景純遊仙詩靈妃顧我笑縹緲見讚佛詩神

女見二十五日詩淮南子尚伴冀北之際按宋玉風賦作倘伴賈生惜誓作尚羊王子安七夕賦作徜徉苦

霧迷槐市雌霓遶建章歸鄮思五廟涉漢淚三湘柔福

何慚宋平陽可佐唐虞淵瞻返日蒿里叫飛霜此段讚

○明遠舞鶴賦嚴嚴苦霧槐市見行路難雌霓見縹

紗峯注覽讀平聲建章見長安雜詠張如哉曰春秋

莊公三年秋紀季以鄮入于齊公羊傳紀季者何紀侯

之弟也何以不名賢也魯子曰請後五廟以存姑姊妹

春秋莊公十有二年紀叔姬歸于鄮胡傳歸者順辭以

宗廟在鄮歸奉其祀也子山哀江南賦路已分於湘

漢三湘見哭志衍宋史公主傳徽宗女柔福帝姬初

封柔福公主後改帝姬徽宗三十四帝姬早亡者十四

人餘皆北遷柔福在五國城適徐還而薨薨在紹興十

一年從梓宮來者以其骨至葬之追封和國長公主

唐書平陽公主傳下嫁柴紹初高祖兵起紹詭道走并

州主奔鄮發家貲招南山亡命得數百人以應帝威振

關中帝渡河主引精兵萬人與秦王會渭北紹及主對  
置幕府分定京師號娘子軍淮南子曰至于虞淵是  
為黃昏又魯陽公與韓構難戰酣日暮援戈麾之日為  
之反三舍蒿里見讀西臺記李詩燕臣昔慟哭五月  
飛秋霜自古遭兵擾偏嗟擁樹妨魯元馳孔亟辛季負倉

黃漂泊悲臨海包含耻溧陽本朝端闔闕設制勝巖疆

處順惇恭儉時危植紀綱英聲超北地雅操邁東鄉前

句旁觀後六句咏嘆史記夏侯嬰傳註蘇林曰南陽  
人謂抱小兒為雍樹面者大人以面首向臨之小兒抱  
大人頸似懸樹也漢書注南方謂抱小兒為雍樹面偕  
也雍抱持之令面背已而抱之以馳雍讀曰擁史記  
項羽紀漢王道逢得孝惠魯元乃載行楚騎追漢王漢  
王急推墮孝惠魯元車下滕公常下收載之如是者三  
日雖急不可以驅奈何棄之於是遂得脫又張耳傳高  
祖長女魯元公主為趙王敖后孔亟見臨江參軍左

傳定四年吳從楚師五戰及郢已卯楚子取其妹季芊  
昇我以出世族譜季芊昇我皆平王女也服云昇我季  
芊之字定五年楚子入于郢王將嫁季芊季芊辭曰所  
以爲女子遠丈夫也鍾建負我矣以妻鍾建以爲樂尹  
倉黃見永和宮詞漂泊見圓圓曲晉中興書臨海公  
主惠帝第四女初封清河公主未出值永嘉亂賣長城  
民錢溫溫以送女女遇主甚酷主自告吳興太守適譙  
國曹統傳燈錄問如何是海曰包含萬有南史梁簡  
文帝紀初景納帝女溧陽公主公主有美色景惑之妨  
于政事又侯景傳景請簡文禊宴于樂游苑帳飲三日  
及發景卽與溧陽公主共據御牀南面竝坐羣臣文武  
列坐侍宴禮記外言不入于梱內言不出于梱或作  
閫左傳僖二十二年婦人迎送不出門見兄弟不踰閫  
莊子安時而處順紀綱見遇南廂園叟英聲見  
茸城行晉書山濤傳雅操邁時宋書謝宏微傳叔父  
混義熙八年以劉毅黨見誅妻晉陵公主改適瑯琊王  
練公主雖執意不行而詔與謝氏離絕宋武受命晉陵  
公主降封東鄉君以混得罪前代東鄉君節義可嘉聽

還謝氏

新野墳松直招祇祠柏蒼薤歌雖慘澹汗簡自輝

煌謚號千秋定銘旌百禩秦簫吹斷續楚挽哭滄浪

結到作詩○

後漢書鄧晨傳南陽新野人也娶光武姊

元王莽末漢兵敗小長安追兵至元及三女皆遇害光

武卽位謚元爲新野節義長公主立廟于縣西晨卒遣

中訥者備公主官屬禮儀

招迎新野主魂與晨合葬于

北邙

拾遺記昭王時東甌獻二女今江漢之人立祠

于江湄猶見王與二女乘舟戲于水際至暮春上巳禊

集或以時鮮甘味採蘭杜包裏以沅水中號曰招祇之

祠

陸務觀詩錦里瞻祠柏薤歌見永和宮詞慘澹見

洗象圖

汗簡見龍腹竹歌注司馬長卿封禪文煩煥

輝煌

晉書禮志謚號可知者十有四焉恨賦千秋萬

歲爲怨難勝

禮銘明旌也以死者爲不可別也故以

旌識之字典禩同祀鮑詩埋木或百年韜樹必千祀

秦簫兒青門曲斷續見琵琶行崔豹古今注薤露蒿

里一章世呼爲挽歌按楚辭有招魂大招二篇楚挽言

吳詩集覽

卷十六上

十三

爲楚聲以挽也  
滄浪見碧清湖

原附張宸長平公主誅曰長平公主者明崇禎皇帝  
女周皇后產也甲申之歲淑齡一十有五皇帝命掌  
禮之官詔司儀之監妙選良家議將降主時有太僕  
公子都尉周君名世顯者將策平陽以館之開沁水  
以宅之貳室天家行有日矣夫何蛾賊鴟張逆臣不  
誠天子志殉宗社國母燼嶺慷慨死焉公主時在穉  
齡御劍親揮傷頰斷腕頰然玉折寶矣蘭摧賊以貴  
主旣殞授屍國戚覆以錦茵載歸椒里越五宵旦宛  
轉復生泉途已宮龍髯脫而劍遠蘭薰罷毀蕙性折  
而神枯順治二年上書

今皇帝九死臣妾跼

踏高天髡緇空王庶申罔極

上不許詔求元

配命吾周君故劍是合土田卽第金錢牛車錫子有  
加稱脩物焉嗟夫乘鶴扇引定情於改朔之朝金犢  
車來降禮于橫侯之第人非鶴市慨紫玉之重生鏡  
異鸞臺看樂昌之再合金枝秀發玉質含章逢德曜  
于皇家迂桓君於帝女然而心戀宮帷神傷輦路重

雲畢陌何心金榜之門飛霜穀林豈意玉簫之館弱  
不勝悲謚焉薨逝常扶桑上仙之日距穰李下嫁之  
年星燧初周芳華未歇嗚呼悲哉都尉君悼去鳳之  
不留嗟沉珠之在殯銀臺竊藥想奔月以何年金殿  
煎香思返魂而無術越明年三月之吉墓於彰儀門  
之賜莊禮也小臣宸薄遊京輦式觀遺容京兆雖阡  
誰拔柘館祁連象塚祇叩松關擬傷逝於子荆朗香  
空設代悼亡於潘令遺掛猶存敢再拜爲之誄云  
春明夢餘錄

公主名徽姬

百韻長律子美已開此體所謂排比聲韻律切精深  
者也元白皮陸時復爲之近則朱錫鬯更有排至二  
百韻者然較之梅村則有大家名家之別矣按明  
史長平公主當明亡年已十六選周顯尚主無世字  
與誄文小異梅村于故明亡國之際可脩詩史如  
遇劉雪舫之叙瀛國夫人永和宮詞之叙周后田妃  
蕭史青門曲之叙榮昌寧德樂安長平公主至慈烺  
則僅於長平輓詩中帶叙割慈全國體十句而已蕭



史青門曲雖有抱來太子輒呼名之句義不繫於慈  
煥未嘗爲慈煥命篇也夫福王有雒陽行鄭妃有銀  
泉山何獨于慈煥從略蓋明史有鬪賊挾太子二王  
西奔之語而僞太子之獄江南迄爲疑案梅村當  
本朝定鼎初年於慈煥必有不取斥言者故絕不咏  
及今讀者歎息於文字之表是尤詩家之化境也就  
一首而論有無字句處就全部而論亦有無字句處  
知此義也方可說詩附考荊州志摩笄山水經注  
有二說其一謂卽懷來之雞鳴山所謂代夫人死代  
人爲立祠因名摩笄山每夜有野雞羣鳴於祠屋上  
故亦謂之雞鳴是也其一謂卽馬頭山所謂魏土地  
記代城東南二十五里有馬頭山代夫人摩笄自刺  
而死民爲神屋於山側因名摩笄是也襄子滅代時  
懷來雞鳴爲燕地代夫人必無舍代而死於燕地之  
理當以後  
說爲是

吳詩集覽卷十六下

五言排律下

途中遇雪卽事言懷

梅村有臨清大雪阻雪兩絕句當與此同時作也是赴

召時

途中詩

雪來榆塞北人去衛河西川隴方瀾漫關山正慘淒短

衣吹帶直矯帽壓簷低

自首句至臺荒凍鼓輦是途中遇雪自襍輕裝易發至稍見叟

扶犁是途中卽事自往事

觀車轂至末句是途中言懷

也然中間自有小段落

此段點明途中遇雪○漢書

韓安國傳累石爲城樹榆爲塞

明史河渠志衛河源

出河南輝縣蘇門山百門泉東北至臨清與會通河合

一統志衛河卽古淇水也

三國志徐盛傳瀾漫數百

里慘淒見贈遼左故人

短衣見西田和韻

拊掌

錄歐陽公有句云酒粘  
衫袖重花壓帽簷偏  
漁卧舟膠浦樵歸柳斷蹊危灘

沙路失廢井草痕齊塔迴埋榱臺荒凍鼓聲  
此段途中雪景

○王詩漁舟膠凍浦  
李義山詩樵歸說逢虎  
庾詩

涸渚通沙路  
廢井見閭園詩  
陸務觀詩草痕沙際猶

餘綠  
周利用詩塔向三天迴  
史晟孔廟碑仰瞻榱

桷俯視几筵  
臺荒見海戶曲鼓聲見遇劉雪舫注  
襍

輕裝易發書重笈難攜久病人貽藥長途友贈綈橫津

船渡馬野店屋棲雞家訴兵來破墻嫌客亂題簣床寧

有席葦壁半無泥路遠人呼飯厨空婦乞醯白漉齏作

餌綠糝韭成齏  
韭集作韭  
入筋非鮭菜堆拌少棗梨山薪土

銓續村釀瓦罌提齒莖驢如怒窺燈鼠似啼  
此段途中晚宿即事

○晉書魏舒傳襜褕而出又張華傳嘗從居載書三十乘魏書高允傳擔笈負書千里就業許仲晦詩久病先知雨楊誠齋詩贈藥意悁悁長途見避亂注史記范雎傳須賈意哀之乃取其一綈袍以賜之橫津見打水詞杜詩野橋齊度馬又野店引山泉詩雞棲于埘陸務觀詩何恨郵亭坐簀床禮內則為稻粉搔溲之以為配玉篇溲水調粉麩也詩視爾如莩羣芳譜蕎麥一名苽麥南人但作粉餌食說文餌粉餅也又古文糲作糲以米和羹也釋名糲也相黏黏也晉書石崇傳每冬得韭薺陸務觀詩韭薺麥飯日加餐正韻筋與箸同杜詩自愧無鮮菜蘇詩鱠縷堆盤纖手抹廣韻盤俗作拌按杯拌舞見宋書樂志白詩男採山上薪杜詩土銑冷疎烟蘇詩自遣赤腳沽村釀范德機詩瓦罌新酒接花筍高季迪詩戰馬寒嘶斃殘莖柳子厚三誠驢不勝秦少游詞夢破鼠窺燈

遇淖前騶唱衝風後騎嘶興肩幾步換囊繡一夫齎行

子誰停轡居人尚掩閨  
逢農荷鋤稍見叟扶藜

此段途中

早行卽事○旌亭見送吳令之任

蘇詩傳呼草市來

攜客

左傳成十六年有渚于前乃皆左右相違于渚

杜注

渚泥也宋史高若訥傳前驂殿路人

史記韓長

孺傳

衝風之末力盧子行詩風長後騎嘶

晉書王獻

之傳

乘牛肩輿徑入

漢書李陵傳陵令軍士人持二

升構

古詩行子在萬里梁簡文帝詩停轡仲長園

鮑明遠詩

居人掩閨卧

西都賦

往事觀車轂浮踪信

荷鍾成雲

杜詩扶藜望清秋

往事觀車轂浮踪信

馬蹄社應嘲僕僕我亦嘆栖栖  
赤縣初移社青門早灌

畦餘生隨雁鶩壯志失虹蜺  
築圃千條柳畊田十具犁

昔賢長笑傲吾道務提撕  
得失書新語行藏學古稽詩

才追短李畫癖近迂倪  
室靜閒支枕樓高懶上梯老宜

稱漫士窮喜備殘黎

此段言遭逢易世願為遺民也言懷者一○車散見永和宮詞轉轂

僧無本詩嵐樹光中信馬蹄

赤縣見臺城注移社

見讀西臺記注

青門見青門曲杜詩薄暮還灌畦

餘生見送周子似劉孝標廣絕交論分雁鴛之稻梁

子建與吳質書豈非君子壯志哉又七啓慷慨則氣成

虹蜺詩九月築塲園沈雲卿詩楊柳千條花欲綻

十具犁見閭園詩其八劉文房詩昔賢懷一飯笑傲

見贈李笠翁韓詩又不自提撕史記陸賈傳凡著

十二篇號其書曰新語禮記儒有今人與居古人與

稽唐詩紀事李紳字公垂中書令敬元曾孫號短李

白詩問勸迂辛酒閑吟短李詩劉伯溫詩昔時米南

宮父子同畫癖迂倪見過錦樹林支枕見蚤起

國志諸葛亮傳劉琦乃將亮共上高樓令人去梯

繼襄陽漫士米黻字元有道寧徵管無才却薦嵇北山

章按殘黎餘黎也

休誚讓東觀豈攀躋令伯親垂白中郎女及笄離程波

渺渺別淚草萋萋憶弟看雲遠思親望樹迷書來盤谷

友夢向鹿門妻

此段言赴

召載途言懷者二〇按

碑銘多矣惟郭有道無慙色耳則漢已有之徵管見寄

周芮公序注

按無才即司馬遷朝廷雖甚乏人意魏

氏春秋

山濤為選曹郎舉嵇康自代康答書拒絕

書孔稚圭傳

字德璋鍾山在都北其先周彥倫隱于此

山後應詔出為海鹽縣令欲却過此山孔生乃假山靈

之意移之使不許得至王介甫詩野人休誦北山移史

記黥布傳項王使使者謂讓召布東觀見贈陸生攀

躋見二十五日詩華陽國志李密字令伯犍為武陽

人兄養於祖母以孝聞晉武帝徵為太子洗馬詔書累

下密上疏武帝覽其表嘉其誠歎漢書杜欽傳注垂白

者言白髮下垂也韓詩中郎有女能傳業禮記女子

十有五年而笄冠平仲詞波渺渺柳依依使詩別

淚損橫波楚辭王孫遊今不歸春草生今萋萋杜詩

憶弟看雲白日眠王詩每逢佳節倍思親家語樹欲

靜而風不停 退之有送李愿歸盤谷序（一統志）盤谷在懷慶府濟源縣北二十里 鹿門見襄陽注（一統志）

鹿門山在襄陽府襄陽縣東南三十里 踏蹬吾衰矣飄零歸去今尊鱸三

泖宅花鳥五湖堤着屐尋廬嶠張帆入剡溪江南春雨

足把酒聽黃鸝 此段言歸興甚濃言懷者三結到春雨

飄零見遇劉雪舫淵明有歸去來辭 尊鱸見贈馮訥

生註三泖見苴城行注 花鳥見永和宮詞五湖見避

亂 南史謝靈運傳常著木屐上山則去前齒下山則

去後齒廬山見贈蒼雪注爾雅山銳而高曰嶠張如哉

曰此句暗用謝靈運求入遠公社事 張帆見老妓行

晉書王徽之傳嘗居山陰夜雪初霽月色清朗四望皓

然獨酌酒詠左思招隱詩忽憶戴逵逵時在剡便夜乘

小船詣之經宿方至造門不前而反人問其故徽之曰

本乘興而來興盡而反何必見安道邪（一統志）紹興府

曹娥江上流曰剡溪剡縣故城在嵊縣西南寰宇記剡

吳詩集竟 卷十六 下 四



溪在剡縣南一百五十步 虞伯生詞報道先生歸也  
杏花春雨江南 把酒見送志衍聽黃鸝見送純祐藩  
幕其

三注

按詩之莢傳以爲苳茅疏以爲虬蟀郭注以爲荊葵  
爾雅翼以爲錦葵朱子取傳及郭注之說本草綱目  
于蕎麥下列莢麥烏麥花蕎三名而不載傳疏郭註  
爾雅翼所名者予頗疑詩之莢未必卽今之蕎也溫  
飛卿滿山蕎麥花作蕎字王元之蕎麥花開白雪香  
作蕎字蘇子瞻但見古河東莢麥如鋪雪作莢字後  
山叢談蕎麥得月而秀作蕎字羣芳譜所載與時珍  
綱目同然于麗藻內止引視爾如莢句不及其他蓋  
亦疑之耳時珍引王禎農書北方磨而爲麪或作湯  
餅謂之河漏以供常食滑食如粉亞于麥麪昌平州  
志亦用河漏字蓋本農書 白洩二句從少陵緣垂  
風折笋紅綻雨肥梅青惜峯巒過黃知橘柚來化出  
而氣體似晚唐及宋人語 杜詩霜嚴衣帶斷  
指直不能結此云短衣吹帶直各極造句之妙

贈家園次湖州守五十韻

清切推華省風流擅廣陵俊從江左造賢比濟南徵經  
學三公薦文章兩府稱北門供奉吏西掖秘書丞月俸  
鴉翎鈔春衣鳳尾綾賜酺班上膳從獵賦奇鷹粉署勞  
偏著仙曹跡屢陞赤囊條每對黃紙詔親承此段言園次以選貢  
官中書陞部曹也○清切華省見送沈繹堂續晉陽  
秋獻之文義非所長而能撮其盛會故擅名一時為風  
流之冠也廣陵見東萊行第三句本禮記之俊士造  
士江左見揚州濟南徵見送王維夏北行漢書兒  
寬傳見上語經學上說之又翟方進傳初除謁兩府  
師古曰丞相及御史也北門供奉見題凌烟閣圖  
初學記中書省在右因謂中書為右曹又稱西掖梁書  
張率傳秘書丞天下清官宋書何子平傳月俸得白

米宋史李諮傳度支內錢不足支月奉又紹興二十四  
年女真以銅少循宋交子法造鈔引一貫二貫三貫五  
貫十貫五等謂之大鈔一百二百三百五百七百五等  
謂之小鈔二鈔與錢并用程迓亭曰金史食貨志交鈔  
之制外爲闌作花紋其上衡書貫例王鳳洲謂兩旁花  
紋重疊如鴉翎杜詩朝回日日典春衣史記秦始皇  
紀天下大酺註天下歡樂大飲酒也宋史禮志賜酺  
目秦始按劉孝綽詩引籍陪下膳橫經叅上庠則上膳  
乃膳之上者從獵見讚佛詩奇鷹見雪中遇獵岑  
參詩粉署榮新命劉夢得詩日運丹青筆時對赤白  
囊漢書梅福傳詣行在所條對急政雲仙雜記正觀  
中太宗詔用麻紙寫勅詔高宗以白紙多虫蛀尚書省  
頒下州縣并用黃紙宋史錢惟演傳吾生平不足者惟  
不得于黃紙上押字爾蓋未嘗歷中書故也晉書王承  
傳諷味遺言不乞外名都重分符寵命仍爭傳何水部  
若親承音旨

新拜柳吳興城闕晨笳動旌旗瑞靄凝射堂青嶂合訟

閣絳霞蒸教出漁租減詩成紙價增笙歌前隊引賓客

後車乘石戶樵輸粟銀塘女採菱水嬉鈎卷幔社飲鼓

分期急雨溪誼碓斜陽岸曬簪

此段任湖州守矣石戶六句皆宴飲時之所見

便歸到園次甲裏

唐書源乾曜傳臣三息俱任京師

請出二息補外西都賦名都對郭

柳子厚詩仙山不

屬分符客陸士衡漢高祖功臣頌寵命有輝

梁書何遜傳

天監中起家奉朝請遷中衛建安王水曹行參軍

兼記室

又柳惲傳字文暢河東解人也天監二年出

為吳興太守

城闕見雪中遇獵僧無可詩收雨曉節

清王仲謀詩東城瑞靄朝日鮮

湖州府志射堂在

歸安縣白蘋洲西唐貞元中刺史李詞建顏真卿為記

青嶂見聞台州警

錢仲文詩訟閣竹間清韓詩川原

近遠蒸紅霞

蔡伯喈獨斷諸侯言曰教正字通諭告

之詞其義與令同也元詩微俸封漁租

樂天賦賦增

紙價于京師

王詩前路擁笙歌陸士龍盛德頌序揮

戈前隊謝靈運詩掩岸墜石戶湖州府志成化九年

浙撫劉敷等奏吉安縣銅山等鄉籍沒官地內原有栗

樹歲納粟一百八十九石銀塘見訪霍魯齋採菱見

行路難註湖州府志菱出菱湖菱湖在府城東南四十

二里水嬉見琵琶行序沈雲卿詩卷幔天河入杜杜

詩田翁逼社日邀我嘗春酒分明見臨淮老妓行杜杜

詩急雨捎溪足儲光羲詩確喧春澗滿斜陽宗盟高

見永和宮詞漢書陳勝傳注師古曰魯魚網也

季札史局慨吳兢官退囊頻澀年侵鏡漸憎鹿皮朝擁

卷松火夜挑燈舊業凋林薄殘身瘦石稜彈琴伐木澗

荷鍾種瓜塍撥刺魚窺網偷睛鳥避矰已耽畊稼隱幾

受黨碑懲此段自序按梅村過湖州就圍欠在康熙

懲者仍指入復社効張至發之事○左傳隱十一年周

之宗盟異姓爲後史記吳太伯世家季札封于延陵故

號曰延陵季子

通典唐龍朔二年改太史局為秘書

閣唐書吳兢傳兢汴州浚儀人詔直史館修國史天寶

初入為恒王傳雖年老衰僕甚其意猶願還史職李林

甫嫌其衰不用

官退見行路難杜詩囊空恐羞澀

又年侵腰脚衰三國志夏侯惇傳注每照鏡志輒撲鏡

手地

南史何尚之傳致仕常著鹿皮帽擁卷見汲古

閣歌

戴切公詩茶烹松火紅挑燈見題北歸草

舊

業見閬園詩其七西京賦注林薄草木叢生也

殘身

見遶蓬人杜詩湍減石稜生

彈琴見六真序詩

伐木

丁丁

荷鍾見途中遇雪駱賓王詩青門逐種瓜

撥

刺見壽李膚公莊子魚不畏網而畏鵜鶘

林君復詩

霜禽欲下先偷眼莊子且鳥高飛以避矰弋之害

黨

碑見雜感

第六首 寥落依兄弟艱難仗友朋殷勤書一紙離別

思千層逸爵斟佳醞綈袍製異綰蠶忙供杼柚茶熟裹

緘滕族姓叨三謝詞場繼二應軟宜陪魯衛賦僅半鄒

滕謙抑君胡過慚惶我曷勝

此段言圍次以同姓故屢通書幣也○寥落見楚雨

生行

杜詩途窮仗友生左傳莊二十二年引逸詩畏

我友朋

殷勤見遇劉雪舫一紙見題志衍畫殷仲

文詩逸爵紆勝引佳醞見高涼司馬行

綈袍見途中

遇雪漢書灌嬰傳注師古曰緇者帛之總名蠶忙見

東姜明府杼軸見撤織造志喜茶熟見虎邱夜集圖

絨滕見二十五日詩書敬之哉官伯族姓注族同族

姓異姓也按桂詩孰知二謝能將事蓋本世說郗夫人

語也此云三謝則合靈運惠運與元暉矣侯考詞塲

見哭志衍後漢書應劭應奉傳贊二應克聰亦表汝墳

軟見礬清潮左傳定四年劉文公合諸侯于召陵將

長蔡于衛子魚曰昔武王克商選建明德以屏藩周命

以伯禽而封于少皞之虛命以康誥而封于殷虛若之

何使蔡先衛也乃長衛侯于盟又襄二十七年盟于

宋季武子使謂叔孫以公命曰視邾滕既而齊人請邾

宋人請滕皆不與盟叔孫曰邾滕人之私也我列國也

何故視之宋衛吾匹也乃盟註云兩事晉楚則貢賦重

故欲比小國按鄒本春秋時邾國鄒滕俱在今兗州府  
賦僅半鄒滕蓋園次旣以酒糟絲茶爲餽而書中又謙  
言所餽者薄由湖州禍小僅及小國之半賦耳故下文  
接以謙抑君胡過也楚辭懷沙冤屈而自抑蕭后  
述志賦內慚  
惶而累息 長緘招鄭重短策跂飛騰好士公投轄尋

山客擔簦竹溪春澹蕩梅隴雪峻嶒孤館披襟坐危欄

送日凭嵐光浮翠黛塔勢界金繩爲政崔元亮相逢皇

甫曾蘭橈輕共載蠟屐響同登笛冷荒臺妓鐘沉廢寺

僧趙碑娟露滴頰壁壯雲崩衰至容吾放狂來敢自矜

雄談茗是戰良會酒如澍

此段言園次致書相迎遂到湖州共作快遊也園次有迎

梅村書錄談藪

○廣韻緘封也李義山詩錦長書鄭重

陸士雲逸民賦

杖短策而遂往杜詩前輩飛騰人



荀子愛民而安好士而榮漢書陳遵傳每大飲賓客滿堂輒闔門取客車轄投井中雖有急終不得去尋山

見獨往王菴史記虞卿傳躡蹻擔簦唐書李白傳與

孔巢父韓準裴政張叔明陶沔居徂來山日沈飲號竹

溪六逸李詩春風正澹蕩張如哉曰陸凱詩折梅逢

驛使寄與隴頭人梅隴句用此沈休文詩陵嶠起青嶂

宋延清詩駟馬留孤館披襟見西南風危欄見題

虎邱圖左傳桓元年目逆而送之嵇叔夜詩目送歸鴻

朱子詩座上嵐光翠染衣秦韜玉詩鸞鏡巧梳勻翠

黛岑參詩塔勢如湧出李詩金繩開覺路湖州府

志唐崔元亮字晦叔磁州昭義人長慶三年自刑部郎

出爲湖州刺史遷秘書少監唐書皇甫冉傳冉與弟

曾皆善詩按二句以元亮比園次而以曾自比也曾字

孝常梁簡文帝詩桂檝蘭橈浮碧水蠟屐見過福

源寺遊西灣注荒臺見海戶曲劉文房詩帶雨夜

鐘沉顚逋翁有經廢寺詩二統志趙孟頫故宅在湖

州府歸安縣治東南甘棠橋南中有松雪齋謝靈運詩

泠泠朝露滴一統志顏魯公祠在歸安縣治西北府

學左蘇詩火雲勢方壯唐虞美詩殿陵灑勢似雲

崩王子安山亭讌序雄談逸辨吐滿腹之精神范希

文詩關茶味兮輕醍醐茶香兮薄蘭芷勝若登仙不

可攀輪同降將無窮耻陳仲醇詩水交以淡茗戰而肥

良會見梅花菴聯句左楚澤投劉表江樓謁庾冰故

傳昭十二年有酒如澠

交當路遍前席幾人曾妄把歡遊數癡將好夢憑懷人

吟力健觀物道心澄雅意通毫素閒愁托剡藤折花貽

杜牧採菊寄王宏瑱屑陳篇蠹欲邪醉墨蠅非云聊以

報舍此亦何能此段是贈謝之意結到作詩○劉文房

少知名號八俊為荊州刺史張如哉曰投劉表用王粲

登樓賦江樓見楚兩生行晉書庾冰傳字季堅領江

州刺史假節鎮武昌張如哉曰江樓借用庾亮登南樓

事冰為亮弟前後俱鎮武昌白詩歲晚故交情前

吳詩集覽

卷十六下

九

席見送曹秋岳白詩去歲歡遊何處去張建詩月

影曉窓留好夢懷人見蜀鵲啼序高季廸詩老來吟

力退陸士雲詩薄言觀物道心見送何省齋吳季

重答東阿王書極雅意盡歡顏延年詩深心托毫素

徐鼎臣詩間愁因動落花前博物志刻溪古藤甚多可

造紙李詩折花調行客按唐詩紀事杜牧遊湖州刺

史崔君張水戲令牧間行閱奇麗得垂髫者十餘歲後

十四年牧刺湖州其人已嫁生子矣乃悵而為詩曰自

是尋春去較遲綠葉成陰子滿枝梅村此句當是園次

以聲妓娛客又用湖州故實也南史陶潛傳九月九

日無酒出宅邊菊叢中坐久值王宏送酒至顧雲池

陽醉歌呵叱潘陸鄙瑣屑劉夢得詩不復詠陳篇欽

斜見松鼠醉墨見贈王擔四吳錄曹不與善畫權使畫

屏風誤落筆點素因就以作蠅既進御權以為生蠅舉

手彈之詩匪報也戰

國策客何能曰客無能也

張如哉曰陳奕禧子文有月映清淮何水部雲飛隴

首柳吳興屬對蓋本于梅村陳其年送園次歸吳

興調永遇樂古渡西風亂山落照明日將雨手內金樽橋頭畫艇潮到消魂處踏臂狂歌掉頭長嘯萬事總隨花絮歎英雄古今無主夜來酒邊曾訴路出橫塘船經夾浦莫問師師舉舉且減柔情還憑老牛只種金城樹學士亭邊醉翁亭在多少名賢來去喜到日一湖碧浪全家團聚

### 賦得西隱寺古松

原註次葉訥菴韻贈陸翼王程近亭曰嘉定縣志西隱寺在

縣西北清境塘上元泰定間僧悅可建殿前羅漢松二株相對大可合抱不甚高而枝幹奇古如鉄石蓋三四百年物  
國朝詩別裁集葉方藹字子吉江南崑山人官至禮部侍郎加尚書陸元輔字翼王江南嘉定人爲黃陶菴先生入室弟子精華錄訓纂子吉別字訥菴

誰將東海月掛在一株松偃蓋荒祠暗槎枒蘚石封寒生高士骨瘦入定僧容絕頂危巢鶴奔枝破壁龍盤根

供客踞掃葉認仙蹤風寂吹常謾泉枯灑若淙性孤千

尺傲材大百年慵葛相堪同臥秦皇耻再逢鹿芝香作

供鶴草錦成茸影出層雲外霜天落曉鐘

○張子壽詩海上生明月

荒祠見送朱遂初 槎牙見松鼠蘚石見孫銘常畫蘭

高士見題河渚圖

定僧見客路

絕頂見縹緲峯

子瞻後赤壁賦攀棲鵲之危巢詩鶴鳴于垤

宣和畫

譜張僧繇嘗于金陵安樂寺畫四龍不點目睛謂點即

騰驤而去人以爲誕固請點之因爲落墨才及二龍果

雷電破壁徐視畫已失之矣

盤根見清風使節圖注

鄭守愚詩

江邊掃葉夕陽僧又豈易訪仙蹤

吹常

謾見讀西臺記注

李有中詩丹井泉枯苔鐫合說文

淙水聲也

張復之詩性孤翻與世無親歐陽永叔祭

石曼卿文生長松之千尺

材大見贈家侍御

賈闡

仙詩葛相行師自渡瀘三國志諸葛亮傳徐庶謂先主

曰諸葛孔明臥龍也 秦皇句見松花石注 曹詩乘  
彼白鹿手翳芝草華嚴經諸供養中法供最重 南方  
草木狀鶴草出南海當夏開花形如飛鶴屬赤水詩丹  
甌空來細草茸 杜詩盪胸生層雲 霜天見海戶曲  
曉鐘見  
哭剖石

此詩筆力似與梅村不稱疑梅村點竄  
後生之作因有佳句而收入集中者